

Iiusan Hristosan sündund

1 Sil aigal andoi kunigaz Avgust käskön, miše kaikes valdkundas linneb rahvhan kirjutamine. 2 Nece kirjutamine oli ezmäine. Se oli tehtud, konz Kvirini oli valdanpidajan Sirias. 3 Kaikele rahvhale pidi mända kirjutamižen täht ičeze rodun lidnoihe. 4 Josif mugažo läksi Galilejaspäi, Nazaretan lidnaspäi i mäni kirjutamižen täht Judejaha, Davidan lidnha Viflemaha, sikš ku hän oli Davidan heimokundaspäi. 5 Hän läksi sinnä ühtes Marianke, kudamb oli toivotadud hänele akaks. Maria oli kohtukaz. 6 Konz hö oliba sigä, tuli Mariale aig sündutada laps', 7 i hän sünduti poigan, ičeze ezmäizen. Hän kabaloiči lapsen i pani heinpurnhu, sikš miše heile ei olend sijäd adivpertiš. 8 Sil tahol omaluižel oli paimnid ol varjoičemas lambhid. 9 Ühtnägöi heiden edehe seižutihe Suren Ižandan angel, i Jumalan hoštotez ümbärzi heid. Paimned pöl'gästuiba, 10 no angel sanui heile: «Algat varaikoi! Minä sanun teile hüvän vestin: sur' ihastuz linneb kaikele rahvhale. 11 Tämbei om teile Davidan lidnas sündnu Päzutai. Hän om Hristos, Ižand. 12 Nece om teile znam: tö löudat lapsen, kudamb venub heinpurnus». 13 Ühtnägöi ozutihe ümbri angelad kogo taivhaližid saldatoid, kudambad ülenzoitiba Jumalad sanoil: 14 «Kittas Jumalad korktas taivhas, i mas om kožmuz rahvhan keskes, kudambad hän armastab». 15 Konz angelad oliba männuded tagaze taivhaze, paimned pagižiba kesknezoi: «Lähtkam Viflejemah! Sigä mö nägištam sen, midä om tehnuš, min polhe meile oli sanunu Sur' Ižand». 16 Hö läksiba pigai i löuziba Marian i Josifan i lapsen, kudamb venui heinpurnus. 17 Necen nägištades hö tošiba, midä heile sanui angel lapsen polhe. 18 Kaik, kudambad kuliba paimniden sanad, čududelihe. 19 No Maria pani südäimehe kaiken, midä oli tehnuš, i paksus meleti necen polhe. 20 Paimned pördihe tagaze kittes i ülenzoitades Jumalad siš, midä oliba kulnuded i nähnuded. Kaik oli ani muga, kut heile oli sanutud.